

**Uunga siunnersuut: Ilinniartunut tapiissutit pillugu Inatsisartut inatsisaat nr. xx ulloq xx. xxx 2017-imeersoq**

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

**Akissuteqaat**

(Inuussutissarsiornermut, Suliffeqarnermut, Niuernermit Nukissiuuteqarnermullu Naalakkersuisoq)

**Aappassaaneerinnineq**

Naalakkersuisut sinnerlugit Inuussutissarsiornermut Aatsitassanullu Ataatsimiititaliaq qutsavigissavara pitsaasumik peqqissaartumillu isumaliutissiisutaat pillugu.

Naalakkersuisut nuannaarutigaat ataatsimiititaliap tamarmiusup inassutigimmagu siunnersuutip akuersissutigineqarnissaa, taamaasillutalu nunatsinni ilinniartunut tapiissutit pillugit Inatsisartut inatsisaannik peqalissagatta.

Inatsisartut inatsisaatigut ilinniartunut Majoriami ilinniakkamik ingerlatsisunut aningaasatigut killiliussat aalajangersarneqartarput.

Ataatsimiititaliap isumaliutissiisummini allappoq ilaatigut naatsorsuutigineqartoq kommunini Majoriamilu ingerlatsiviit inatsisip sunniutigiumaagai Naalakkersuisut qanimut malinnaavigissagaat.

Ataatsimiititaliallu nangilluni allappoq Naalakkersuisut ilassutitut kommuninut qitiusumillu ingerlatsivinnut ilitsersuutinik suliaqarsinnaasut, maanna ilitsersuutaareersut saniatigut, tamanna pisariaqartinneqalissappat.

Naalakkersuisut ataatsimiititaliaq isumaqatigaat, Inatsisartut inatsisaata sunniutai qanimut malinnaavigisariaqarmata.

Naalakkersuisullu aamma ataatsimiititaliamit oqaatigineqartutut kommunit Majoriamilu ingerlatsiviit suliat pillugit naammassisassanik naammassinnittarnissaannik ilitsersortarniarpaat.

Taamatut oqaaseqarlunga siunnersuut Inatsisartunut oqaluuserisassanngortipparput.